
RAGAD ADVERTENTIE:
Kabar premili: 1 — 30 temboeng f 1.—
Langkoengipoen, saben 10 temboeng oetawi
kirang: f 0.50.
Advertentie limrah: f 0,15 sagaris:
(apes: f 1.25).
Moendoet kapatjak langkoeng saking sa-
pisan, oetawi moendoet dados lengganan,
tepatang rembag roemijin kalijan admini-
stratie.
Hoofdredacteur:
B. SOEMARNA
kabantoe
REDACTIE - COMMISSIE.

SWARA-TAMA

SERAT KABAR KATHOLIEK

== Medal saben dinten Djoemoewah. ==

REGINIPOEN LENGGANAN
SWARA TAMA
sampoen kalijan regining Soera Katholiek
1 taoen f 7.50 } njoewoen kabajar
1/2 f 3.75 } roemijin.
Adrèspoen Redactie lan Administratie
IGNATIUS-COLLEGE
DJOKJAKARTA.

Drukkerij „Cantius” Djokja.

ISINIPOEN:
Wara-wara — Badé katiwasan —
Djempolan panoentoen — Gesang
rerajatan lan djagad social — Swara
inggang awis kapi reng — Soem-
bangan — Seseboetan Santo Rama
enz. — P. K. W. Ambarawa — K. W.
Ambarawa — K. W. afd. Soerabaya —
Angon mangsa di weroeh ing wajah —
Ontjen sekar gambir melati —
Oerap-sari — Correspondentie.

WARA-WARA.*
Lengganan inggang dèrèng
mbajar kwartaal minggoe poe-
nika badé dipoenkintoeni post-
wissel tagihan; samentan oegi
lengganan inggang taksih gadah
toenggakan taoen 1929.
saking ADMINISTRATIE.

PRADJA RAHAJOE.

BADÉ KATIWASAN.
Inggihi, badé katiwasan, manawi
boten wonten inggang tèteloeng.
Para maos sampoen ngertos, bilih
samangké tjetjahing montor mindak,
tjetjahing tjang inggang nanem wit
karèt inggihi mindak, dalasan bang-
sa Indonesia oegi toemoet. Ladjeng
sami djor-djoran.
Kotjapa, énggal poenika satoeng-
giling toewan Bosch manggihi réka
énggal, soepados anggenipoen ndè-
rès karèt medala katah. Manoe ré-
ka énggal poenika angger oewit sa-
ged ngedalaken 100% tanpa kanti
nggrisakaken witipoen.
Jèn sadaja bangsa Éropah ing-
gang gadah wit karèt, sami ngan-
gé réka énggal poenika, bangsa In-
donésiah badé kompèren, wosana
katiwasan.
Jèn wedaling karèt saja katah,
aosipoen wonten ing peken-donja
badé medak. Poenika toemrap bang-
sa Éropah boten dados poenapa,
djalaran saged oegi taksih bati, dja-
laran soegih karèt. Sareng bangsa
Indonesia, katahing karèt boten min-
dak, pengaos soeda, ndadosaken
bobrok.
Sarèhné bangsa Indonésiah poe-
nika boten pinter, soepados sam-
poen katiwasan, kedah dipoen-
toengi. Sinten inggang saged noe-
loengi? Namoeng golongan land-
bouwconsulent.
Mila saking panoewoen koela
moegi prakawis poenika kagaliha
dénig para djempol-djempolan,
langkoeng-langkoeng para land-
bouwconsulent, awit jèn ngantos
kasèp, bangsa Indonésiah inggang
nanem wit karèt badé kapitoenan
ageng, wosana ladjeng sami boten
poeroen nanem malih, wosana éko-
nomi saja moendoer.
„Jèn Kober.”

DJEMPOLAN - PANOENTOEN.
Saweg taoen 1923 Dr. G. J. Nieu-
wenhuis njerat boekoe „Opvoeding
tot autonomie.” Ing ngrikoe pan-
djenenganipoen nrijosaken, bilih ing
Indonesia ngriki „leidersopvoeding”
(panggoela-wentahing djempolan-
panoentoen) taksih kirang sanget.
Ing poendi-poendi kadosta ing
Éropa, Djepang, Tjina, Indija-nga-
djeng lsp. prakawis poenika dipoen-
perlokaken sanget.
Ing Griekenland-kina, ing Roem,
ing public-school Inggris, ing Lan-
derziehungsheime Deutschland, ing
highschool Amerika, ing samurai
Djepang, ing Indija-ngadjeng, tje-
kakipoen ing poendi-poendi pang-
goela-wentah toemrap djempolan-
panoentoen poenika saéning wewa-
tekan lan kasarasan langkoeng di-
poenperlokaken tinimbang katahing
kawroeh.
Toewan Nieuwenhuis tjrjos: Ta-
nah ikoe enggoné ora gemah-ripah
ora margi akèh wong kang ora
bisa matja, nanging enggoné koe-
rang wong kang ora bisa matja
ikoe kagawa saka gemah-ripahing
tanah. Wondéné tanah bisané ge-
mah-ripah (welvaart) ikoe margi

*) Kaatoeran mrelokaken oegi maos Cores-
pondentie, bab liboeran Sijam. Adm.

doewé djempolan-panoentoen, sing
wasis noentoen lan ngégah-égoehaké.
Jèn para djempol-djempolan wateké
peng-pengan, sarta wong-wong
tjilik mangkono oega, kena tan ora
tanah Indonesia bakal madjoe.
Wong-wong Djawa kang ora
mamboe sekolahan nanging doewé
watek koekoeh, ikoe ngadat ékono-
miné ija bakoeh.
Dèk andedel-dedelé Republik
Walanda bijèn mbarengi wongé doe-
roeng wasis-wasis kaja saiki, na-
nging wateké peng-pengan djem-
pol-djempolané kang noentoen wa-
teké ija mangkono.
Dr. Nieuwenhuis tjrjos, wadjib-
ipoen djempolan-panoentoen poe-
nika 1^o doewé watek oetama (vroom-
gemoed) 2^o badan waras 3^o karepé
kentjeng 4^o ora wegahan 5^o wasis
jèn gawé pepantjasan (scherp oor-
deel) 6^o seneng marang kagoenan
7^o seneng tèteloeng marang bang-
sané. Ladjeng dipoenwewahi 8^o ora
isin njamboet gawé sing kasar-kasar.
Nalika Dr. Nieuwenhuis njerat,
boekoe „opvoeding tot autonomie”
poenika, djempol-djempolan dèrèng
katah. Samangké sampoen radi ka-
tah, nanging poenapa sadaja sami
anggadahi watek woloe kados ing
nginggil poenika? Langkoeng-lang-
koeng watek nomer satoenggal poe-
nika taksih katah kirangipoen. La-
djeng no. 3 lan 4^o poenika inggihi
taksih kirang, tandanipoen ing poen-
di-poendi ngwontenaken sesorah:
ngedegaké anoe, nganakaké anoe
lsp. Doemoengining ngendon: ora
madeg, ora ana.
Mangga, inggang roemaos saged
dados djempolan-panoentoen, nge-
goelanga watek 8 poenika.
Manoe Dr. Nieuwenhuis: djem-
polan-panoentoen no. 1, mengko
alphabeten (wong kang ora bisa
matja) bakal katoet ilang, margi ta-
nahé gemah-ripah.
Poen P. D.

LARASATI.

GESANG RERAJATAN LAN
DJAGAD SOCIAL.
Wewenang lan wadjibipoen tjang
sepoeh datang anak.
Manawi tjang sepoeh, kados ing-
gang sampoen koela atoeraken ing
Swara-tama No. 3 kedah andjagi ka-
wiloejdjenganipoen anak menggahing
badan, tjang sepoeh langkoeng ka-
wadjiban andjagi kawiloejdjengan-
ipoen anak menggahing soekmani-
poen. Sebab soekma kalijan badan,
langkoeng adji soekma, mila pangro-
matipoen inggihi kedah langkoeng
dipoenpersoedi. Pramila sampoen
samentinipoen kémawon, jèn pan-
djaginipoen soekma langkoeng ka-
ewratakan tinimbang pandjaginipoen
badan; dados manawi wonten pa-
manggihi oetawi tjara inggang njim-
pang saking wewaton poenika, temtoe
boten ngenggeni leres. Mila ladjeng
kènging dipoenwastani lepat pa-
trapipoen tjang inggang namoeng
ngrembag bab badanipoen (bab lahir)
kémawon, nengenaken barang sepélé,
soepé datang kebatosan. Kebatosan
poenika pantjènipoen nomer satoeng-
gal, teka ladjeng dawah nomer kalih;
dados inggihi boten kènging; kaba-
tosan boten kènging kakoewalokaken.
Barang lahir inggang goemelar poeni-
ka namoeng kanggé djaman awal
ngriki, sareng kabatosan poenika
toemoedjoe datang djaman akhir ing
béndjing. Kanggé kita tjang Katoelik
prakawis poenika sampoen boten
tida-tida, nanging malah sampoen
gambang tjeta wéla-wéla sanget.
Dados menggahing kawiloejdjeng-
anipoen soekma, tjang sepoeh wa-
djib ngrigenaken lan andjagi, soepa-
dos anakipoen énggal angsal Sakra-
mèn Baptis. Poenika kanoegrahan
ageng sanget, inggang kasoekakaken
laré déning tjang sepoehipoen.
Tjang sepoeh kedah andjagi, soe-
pados laré angsal piwoelang bab
saraking agami, liripoen; sadaja ka-
njataan-kanjataan toewin kawadji-
ban inggang dipoenwoelangaken ing A-
gami.
Tjang sepoeh oegi kedah andja-

gi, soepados anakipoen adjar (sina-
oe) ing pamoelangan, inggang boten
moetawatosi kanggenipoen piandel
oetawi kasoewilanjipoen (kaoetamèn)
laré; dados laré Katoelik wonten
ing sekolahan nétral poenika boten
kènging; déné sebab-sebabipoen
badé koela terangkaken ing béndjing.
Manawi laré sampoen soemerep
poendi kawadjiabanipoen tjang se-
poeh oegi kedah ngoedi sagedipoen
koewadjiaban waoe katinakaken ing
laré kanti samentinipoen.
Wiwit alit mila laré kedah dipoen-
doenoeng-doenoengaken saha di-
poenpietoeri soepados ngitjali
tjatjadiipoen lan patrap inggang bo-
ten saé. Makaten poenika inggihi
kawadjiabanipoen tjang sepoeh da-
teng anak.
Ing wosana tjang sepoeh kedah
soeka toelada datang anakipoen,
soepados poen laré sarana njpati
pijambak langkoeng gampil anggen-
ipoen ngetjakaken. O mila katah
toewin wigatos sanget sesanggen-
ipoen dados tjang sepoeh poenika.
Ananging poenika sadaja nama ka-
wadjiaban soetji, mila kedah katin-
dakaken klawan ngatos-atos.
Ing ngriki boten soesah koela
terangkaken, sebab poenapa laré ke-
dah énggal-énggalan kasoewoenaken
baptis. Tjang Katoelik sampoen
mangertos sadaja datang genging
pigoenanipoen.
Dinten wingking kateroesaken.
A.

KOEROE SETRA.

SWARA INGGANG AWIS
KAPIRENG.
Bab:
Boten sak boten serik, atiné
anggangdjal sadingklik.
mBoemboni oréanipoen saodera
Bajoewara ing Sw. Tm. no. 2 Ja-
nuari 1930, bab kados kasebong.
Panjerat sampoen dangoe gadah ras-
os inggang tjetjog kalijan sad. Ba-
joe, prakawis tradjagipoen Balé
Poestaka datang golongan kita, na-
nging koela ampet kémawon, sa-
weg sapoenika saged kawedal, dja-
laran wonten inggang mboekani.
Marga kerep lan katah maos boe-
koe-boekoe wedalan B. P. panjerat
gadah kajakinan, bilih:
I. Kanétralnipoen B. P. saéstoe
boten djedjeg, alias memihak sebe-
lah, ngantos kerep njerikaken go-
longan kita Christen.
II. Boekoe-boekoe wedalan B. P.
mèh sadaja basanipoen saé, boten
maiben, nanging isinipoen katah ing-
gang ndjoewarèhi lan kirang migoe-
nani toemrap adjenging bangsa oe-
tawi boten toemrap jèn poenika
kanggé noentoen bangsa.
Andaranipoen sdr. Bajoewara
sampoen terang, tjekap; boekti boe-
koe-boekoe inggihi boten ngoejang.
Panjerat sagah madosaken.
Nitik kawontenan I kita serik sa-
ngget datang B. P.
Nitik kawontenan II pamanggihi-
poen panjerat, ingatasipoen B. P.
poenika panoentoen bangsa, boten
lajak sanget jèn B. P. ngedalaken
boekoe-boekoe inggang katah-katah
meleg bab inggang boten dedasar
kaoetamèn (onzedelijk).
Pangadjeng-adjengipoen panjerat,
margi oréanipoen Bajoewara lan
oréan poenika, B. P. poeroena ngé-
wahi tradjagipoen inggang lepat
kaleresna; inggang boten laras, ka-
larasna.
Mangga sami dipoenentosi!
Pepoentoning rembag: Panjerat
poenika barèsipoen kagolong R. K.
lan panoentoen bangsa (é, boten ké-
tang alit), inggihi toemoet ngonjok-
onjokaken dagangan B. P., oegi ke-
rep ngoerbanaken tanaga, lan ngan-
tos sampoen atosan Volksalmanak
inggang kasadèkaken datang kantja
Boemi. Nanging manahipoen, awit
roemaos kakoewalokaken. Mangka
njatané inggihi boten sakedik tjetjah-
ing golongan kita inggang mbantoe
Balé Poestaka. Mila jèn B. P. teros
atradjang kados sapoenika, kita bo-
ten wadjib mbantoe inggang rosa.

RETRÈT.
Béndjing sijam ing Moentilan badé
ngawontenaken retrèt mawi basa Dja-
wi. Wiwit tanggal 24 Februari (Senèn
Sonten) doemoegi 27 Februari. Wra-
gadipoen f 3.—
De Rector
van het XAVERIUS-COLLEGE.

Sarta malih: Sinten kémawon ing-
gang poeroen-poeroen meleg bang-
sanipoen ing kawroeh kirang saé (on-
zedelijk), nama misani bangsanipoen;
boten nama ngadjengaken bangsa-
nipoen, nanging kosok-wangsoeli-
poen.
Minangka panoeptoep, B. P. pra-
jogi nggatosna swara inggang awis
kapi reng poenika, moerih saénipoen
sarta émoeta datang wewarah: ala-
ning satroemoe sidji, ngoengkoeli
betjiking mitra satoes.
Samanten roemijin!
Poen: MANDARWA.

VARI A.

SOEMBANGAN.
— Ramé swaraning serat-serat
kabar ngrembag bab soemangan.
Wonten inggang gadah pemanggihi
kedah itjal, alas-alasan maton. Sawe-
nèh itjal inggihi itjal, nanging sa-
sakedik, keterangan inggihi maton.
— Sanadjan barang poenika sam-
poen nama wajoe, nanging sarèhné
ing Sw. Tm. dèrèng wonten inggang
ngedal pemanggihi, mila badé koe-
la enget malih.
— Soembang tegesipoen sami ka-
lijan soeroeng, sok karangkep dados
soembang soeroeng; inggihi ateges
bantoe. Dados tjang njoembang
nggadahi kadjeng ambantoe, sarana
arta, wos l.s.s.
— Nitik tegesing temboeng, tjeta
sanget manawi inggang kedah ka-
bantoe poenika poenapa-poenapa
inggang katjampréngan oetawi ka-
sékéngan. Noeloengi tjang oetawi
nbantoe datang tjang kasékéngan
poenika sampoen dados wadjibing
tjang Katholiek.
— Mas Karjaepama sanget ke-
mlaratan, bebasan tjowèk gopèl ké-
mawon boten gadah; inggang kate-
da ing saben dintenipoen dèrèng
temtoe wonten. Doemadakan anaki-
poen èstri Sriepami pedjah. Lah,
kados mekaten poenika panfes ka-
soembang. Dados toedjoening soem-
bangan inggang kados mekaten poe-
nika koela matoek, botem kaitjalan.
Djalaran sepihan pantjen njata ke-
tjingkrangan, kaping kalih katik tan-
pa kanjana-njana manggihi sengkala.
— Sanadjan gadah damel pisan
inggang sampoen kapikir lang-
koeng roemijin, nanging manawi
njata kekirangan namoeng badé
ngenggeni salimrah kémawon boten
saged, meksa pantes kasoembang.
Kadosta: Benda badé netakaken
anakipoen nama Bendoel. Kanggé
épahan bong kémawon boten saged,
poenika kedah kabantoe.
— Wondéné tjang tjekap mang-
gihi sambékala inggang tanpa ka-
njana² pisan, pemanggihi koela bo-
ten perloe kasoembang, langkoeng²
inggang sadèrèngipoen sampoen
karantjang roemijin, kadosta mantoe,
l. s. s. Wohipoen boten sanès na-
moeng badé ngringkihakan ékono-
mining kalih-kalihipoen. Jèn tjang
Sa-Indonesia tasihi nglenggahi tata-
tjara inggang kados makaten ing-
gang kabekta saking isin, jèn ta bo-
ten njoembang, temtoe t. Indonesia
ija inggihi dèrèng saged soegih te-
tjagipoen. Mila leres satoenggiling

kempalan inggang mewahi werk po-
gramipoen nedyang ngitjali soemba-
ngan inggang sampoen boten toe-
mrup djaman semangké.
— Tjang Katholiek kedah ndjagi
soemebarang Agami, sampoen ngan-
tos Agami ladjeng angsal tjloréngan
awon inggang djalaran saking tin-
daking tjangipoen inggang nglam-
pahi Agami Kath. waoe.
— Ing ngriki koela njoewoen
priksa, kados-poendi sikep koela,
manawi manggèn ing panggenan ing-
gang tjangipoen taksih ngangseg
sanget datang prakawis soemangan,
inggang sampoen boten keplok ka-
lijan djaman sapoenika? Langkoeng-
langkoeng manawi katondjok?
— Manawi koela kèndel temtoe
wiloejdjeng. Nanging indrukupoen
temtoe boten saé, toer mesti njang-
king Kristen. Wong Kristen, wong
tjèlèng gontèng, wong Srani Agama
Landa.
— Mekaten sadèrèk angélé sesa-
rengan ing madyaning maatschap-
pij; ndjagi wijaring Keraton Dalem,
kerep kelampahan éwoeh — aja.
— Wasana njoewoen seserepan.
DJADIR.
SESEBOETAN „SANTO RAMA”
KANGGÉ PAUS.
Wonten pitakèn: Poenapa poenika
boten tjengkah kalijan Kitab Soetji?
Ing Kitab Soetji wonten oengel-
oengelan makaten: „Adja moeni
Rama marang manoengsa, amarga
moeng sidji Ramanira, jaikeo kang
ana ing Swarga.” (Math. 23 : 9).
„Kang mangka bangsa R. Kath.
mastani pangagengipoen: „Rama”,
gèk nganggé „Santo” poenapa;
poenapa poenika boten njlèwèng
saking Kitab Soetji?”
O, sadèrèk, makaten poenika ba-
rang gampil. Jèn kados makaten
pandjenengan boten saged mangre-
tos, pandjenengan temtoe tansah
bingoeng, répot, boeneg, djebeg,
manawi maos Indijil, amargi ing
ngrikoe saéstoe wonten tetem-
boengan inggang langkoeng angél
lan roewet tinimbang ing bab
nginggil waoe. *)
Déné jèn saéstoe pandjenengan
badé ngepleki temboeng-temboeng
ing Kitab Soetji, prajogi seseboetan
„Dominee”, inggihi kaitjalana,
amargi poenika ateges: b e n d a r a,
malah oegi ateges „Goesti” (toe-
mrup Goesti Allah). Kang mangka
Sang Kristoes inggihi ngandika
wonten ing toenggil bab ngrikoe:
„Lan sira adja gelem sineboet ben-
dara, amarga moeng sidji bendara-
nira, jaikeo Sang Kristoes.” Meng-
gah inggang kinarsakaken Sang
Kristoes, tegesing tetemboengan
waoe, katjeta wonten ing oengel-
oengelan s a n è s **) ing bab Indijil
*) mila bingoeng, répot, djebeg lsp. amargi
negesi Indijil manoe pamanggihiipoen pijam-
bak. Tjang satoes jèn makaten saged warni
satoes. Negesi Indijil poenika kedah manoe
„inggang kapatah negesi” inggihi poenika
„Pasamoewan Soetji.” Kedjawi poenika
sampoen namoeng mendet „satemboeng”
oetawi „saekara”, nanging kedah mendet
oegi ngadjeng lan teroesipoen, ladjeng ka-
tjetjogaken kalijan temboeng oetawi oekara
ing bab s a n è s (mirsanana ing nginggil **)
lan kalijan piwoelangipoen Poedjanganing
Pasamoewan lsp., soepados ngertos kadjeng-
ipoen. Red.

ngrikoe: Sang Pamarta ngemoetaken soepados para sakabat, sami andap-asor, sampoen ngantos kados para Parisi.

Déné dedasar andap-asoring manah poenika doemoenoeng wonten ing manah, boten kok margi itjaling seseboetan oetawi titel. Dados Goebornoer Djéndral sineboet „Exel-lentie” (teges: oenggoel pijambak = uitmuntend), boten temtoe jèn Goebornoer waoe koemloengkoeng, ngroemaosi oenggoel pijambak, pinter pijambak; saged oegi pandjenenganipoen malah kagoengan watek andap-asor. Wangsoel tjarik ngasistènan ingkang boten gadah seseboetan, malah koemloengkoeng; gadah memanahan: Sapa sira, sapa ingsoen.

Déné Paus sineboet „Rama”, poenika djalaran pandjenenganipoen dados Bapa-baboe kita ing babagan rohani ***, djoemeneng sesoelihipoen Sang Kristoes ing donja; lan kita anggadhahi katresnan kados déné poetra dateng rama.

Déné seboetan „Santo” poenika, kita boten mawang kasoetjjanipoen, babar pisan boten, nanging namoeng ngngeti kalenggahanipoen babagan rohani.

Samanten oegi bugermeester sineboet: *edelachtbaar*, margi kalenggahanipoen. Saged oegi pandjenenganipoen babar pisan boten *edel* (= voortreffelijk, uitmuntend = saé pijambak = moerni pijambak), lan boten: achtbaar: (pattoet ingadjenan).

Sang Kristoes babar pisan boten ngawisi panganggèning seseboetan, nanging paring pepéng: sampoen ngantos sami koemloengkoeng margi saking seseboetan; oetawi kepéngin lan mboedjeng anggadhahi titel. Santo Rama sanadjan kagoengan seseboetan ingkang samanten inggilipoen, jèn ngandikakaken saliranipoen pijambak temtoe: *abdinipoen abdinipoen Pangéran* (Dienaar der dienen Gods).

Inggih makaten poenika ingkang kinasakaken Pangéran; manogensa sasaged-saged gadaha wewatekan andap-asoring manah.

Tjekap semanten kémawon roemijin. Noewoen R. R. ADI.

SAKING PAKEMPALAN.

ALGEMEENE P.K.W. - LEDENVERGADERING.

Dinten: Ngahadpon tanggal 16 Maart 1930.
Papan: K.S.B. GEBOUW Kota-Baroe Ngajodja.
Parepatan badé kadamel kaping kalih:

1. Setoe paing sonten 15/16 Maart wiyit djam 8 (djam woloe).
Inggih badé karembag:
a. Pamboeka.
b. Maos notulen.
c. Maos serat-serat ingkang katampi.
d. Anggijaraken Jaarverslag (P.K.W. SWARA-TAMA, VAN LITH FONDS toewin ROEKTI WOERI).
- e. Ngawontenaken Verificatiecommissie.
- f. Sesorahipoen Padoeka ingkang dahat sinoeba Rama L. van RIJCKEVORSEL bab: Katholieke pers (Koran Katoelik).

Parepatan Ngahad éndjing: Wiyit djam 8 (djam woloe). Dapoekaning rembag:
a. Pilihan Pangrèh P.K.W.
b. Ngrembag oesoel-oesoel:
1. Babagan Swara Tama.
2. Babagan Van Lith Fonds.
3. Babagan Roekti Woeri.
4. Prakawis sanès-sanèsipoen.

c. Rondvraag.
d. Panoetoep.
Pèngget: 1. Bilih preloe agenda kénging kaéwahan.

2. Para wewakiling K.W.-K.W. toewin para prijantoe tamoe rawoehipoen sami dipoenatoeri netepi djam ingkang kasebat ing nginggil oetawi ingkang langkoeng awal; amargi ngadjengaken parepatan wiyit, badé sami dipontjaosi soegata (wantji sonten oendjoekan lan njamikan; éndjing dahar sarapan toewin wédang).

3. Éndjing djam 6 wonten ing Grédja St. Antonius (Kota-Baroe) Koerban Mis Soetji kanggé njenjoe-woenaken parepatan P.K.W. amila para wewakiling K.W. prajogi sanget andèrèk Mis Soetji poenika. Ambarawa: 20 Januari 1930.

PANGRÈH P. K. W.

OESOEL-OESOEL INKANG LOEMEBET.

A. Babagan Swara Tama.

1. Swara Tama njoewoen kadadosna dagblad, botenipoen inggih

*** Jèn poenika soelaja kalijan Indjil, poenapa tjang njeboet „Bapa” oetawi „Rama” dateng tjang sepoehipoen, inggih soelaja kalijan Indjil, djalaran „Rama” namoeng ingkang wontening Swarga? Kok anèh! Red.

saminggoe kawedana kaping kalih; regining dagblad kadamel f15, bilih saminggoe kaping kalih f10. Toelichting: Kabar boten saged wajoe, djalaran toekang ngarang toewin toekang kabar ladjeng sregep nglebetaken; saja dangoe tjajah djiwa R.K. saja mindak katah; katanding kalijan koran sanèsipoen ingkang peilipoen djadjar oetawi sangandapipoen saged toemindak dados koran kita kedah saged toemindak. (K.W. BLITAR).

2. Manawi saged pérangan Oerap-sari dipoenkatahana malih; kedjawi poenika ngngetaken, soepados kabar missie kalebetaken dateng Tamtama kémawon, djer poenika sampoen dados poetoesaning congres ingkang kapengker. (K.W. NGAJODJA).

Wangsoelan saking Pangrèh: Prakawis ingkang gegajoeatan kalijan Swara Tama K.W.-K.W. badé sami angsal katrangan saking P.K.W. pijambak-pijambak.

B. Babagan Roekti Woeri.

1. Kasoewoen, soepados P.K.W. soeka panggoewas dateng R.W. ngwontenaken parepatan pijambak, sabab warganing R.W. inggih katah ingkang boten dados warganing K.W. (K.W. NGAJODJA).

Pamanggihing Pangrèh P.K.W.: Oesoel poenika soepados kaoendoer, awit kedah ngéwahi pranatan sarta R.W. kedah dados rechtspersoon.

2. K.W. ingkang wonten agènipoen R.W. soepados nglebetaken agèn waoe dados oetoesan wonten ing congres P.K.W. Ingkang makaten waoe gandèng kalijan anggènipoen R.W. inggih dados rembag wonten ing congres P.K.W. (K.W. NGAJODJA).

Pangrèh P.K.W.: Para K.W. sami dipoenatoeri anggatosaken pangadjak poenika!

3. Premie R.W. (Kadjengipoen: Verzekerd bedrag) moegi dipoenagengaken. (K.W. KLATEN).

Wangsoelaning Pangrèh: Sampoen setijar.

4. Warga ingkang apesipoen sampoen 13 woelan dados verzekerde, kénging sadé polisipoen dipoenregèni 90-persèning premie ingkang sampoen dipoensetoraken kapendet premie ing dalem setaoen. (Oesoel Pangrèh R.W.).

C. Babagan Van Lith Fonds.

1. Kasoewoen, manawi P.K.W. netepaken pedjahipoen V.L.F. kanti officieel (ingkang ladjeng manòksma wonten ing Van Lith-Stichting) soepados manah studiefonds gadahanipoen Van Lith-Fonds. (K.W. NGAJODJA).

Wangsoelaning Pangrèh: Inggih prajogi.

2. Van Lith-Stichting sapoenika sampoen madeg, V.L.F. moegi kapedjahana; ananging P.K.W. karsaa amboedidaja, soepados sesanggènipoen V.L.F. bab anggènipoen mit-toeloengi goeroe agami sampoen ngantos itjal oetawi kapinten. (K.W. SOLO).

Pamanggihing Pangrèh: Manawi V.L.F. sampoen pedjah, manòet statuten, radja darbèkipoen kedah katjaosaken dateng Pangagenging Missie: anggènipoen badé njaosaken poenika lantaran Rama G.A. P.K.W.

D. Prakawis sanès-sanèsipoen.

1. Njoewoen soepados sadèrèk: Djoepri Nitiwardja, Harjadi toewin Soemabremani kalebetna wonten ing Pangrèh P.K.W. (K.W. AMBARAWA).

2. Warga Bestuur P.K.W. adjeg, amargi dalemipoen sadèrèk warga Bestuur sampoen tjaket kalijan G.A. P.K.W. (K.W. BLITAR).

3. Bestuur kagantos sapalih; panggenan tetep wonten ing Ambarawa. (K.W. MEDARI).

Wangsoelaning Pangrèh: G.A. P.K.W. badé gantos pandjenenganipoen Rama H. KOCH ing Soerakarta, dados zetel Pangrèh P.K.W. inggih prajogi gantos lan pindah panggénan. Pangrèh njawoengaken: R.M.B. DJAJAENDRA (Pangarsa), Hr. SOEHARDJA, Hr. WAKIMIN oetawi Hr. DOELLAH POERWA-ATMADJA (Panitra), Hr. SARDJOE MARTAWIHARDJA (Hartaka), Hr. DJOEPRI NITIWARDJA, Hr. I. KASIMA toewin R.M.L. SASTRAWINATA dados Commissarissen. (Prijantoe kalih ingkang kaseboet kantoe poenika, sarèhning sampoen katah pandamelanipoen, sagedipoen namoeng dados commissaris).

4. Pangrèh P.K.W. kasoewoen pindah dateng ing Moentilan, amargi kamanah Ambarawa poenika tebih saking djagad pakempalan. Kasawoengaken dados Pangrèh padintenan R.J. DJAJA-ATMADJA. (K.W. NGAJODJA).

5. Panggénan congres tetep wonten ing Ngajodja. (K.W. MEDARI).

6. Congres kasoewoen wonten ing Soerakarta; lan manawi congres P.K.W. moegi kadamel samoea, dados boten njenjet kémawon kados ingkang sampoen-sampoen

(K.W. NGAJODJA).

Wangsoelan Pangrèh: Ingkang badé kalampahan poenika teksih tetep wonten ing Ngajodja; déné saladjengipoen saé kapasrahaken beleid bestuur.

7. Moegi P.K.W. karsaa ambijantoe pakempalan DWIDJA SWARA woedjoed igoe pratikel, banda baoe soekoe saha njiaraken. (K.W. MEDARI).

Pamanggihing Pangrèh: Manòet soeraosing karangan ing Swara Tama No. 44 katandan: Draadlooze Telegraphie, pakempalan Dwidja Swara poenika kadamel oemoem. Nalika congres taoen 1925 poenika wonten poetoesan, bilih wonten K.W. ingkang gadah ada-ada ingkang badé kadamel oemoem, poenika ing sadèrèngipoen kedah karembag kalijan P.K.W. roemijin.

8. K.W. Moentilan njaosaken adhesiebetuiging dateng Bestuur P.K.W. ingkang sampoen ngroedjoeki, bilih H.B. P.P.K.D. ngrembag babagan onderwijs lan economie.

9. Manawi wonten prakawis ingkang sakinten wohipoen langkoeng ageng saha badé gampil katjengipoen jèn katindakaken déning P.P.K.D. karsaa P.K.W. soeka palilah, soepados prakawis waoe katandangan P.P.K.D. kémawon. (K.W. MOENTILAN).

Pangrèh: Moepakat toemrap prakawis sawatawis sarta saben-saben kedah karembag roemijin kalijan P.K.W.

10. P.K.W. ngwontenana comite damel antjer-antjer tata-tjara kanggé tjang Katholiek Djawi. (K.W. KLATEN).

Pangrèh: njoewoen katerangaken!

11. P.K.W. énggal njoewoena dateng Pangrèh Java Instituut moerih warganing kakéngingaken andèrèk congresipoen kanti prabéja kados déné warganing pakempalan-pakempalan ingkang dipoenkèngingaken. (Toemrapiing Java Instituut warganing P.K.W. oetawi K.W. wewenangipoen kasamia kalijan pakempalan sanès-sanèsipoen. (K.W. KLATEN).

VAN LITH-STICHTING.

Poenapa

pandjenengan priksa

toedjoenipoen

Van Lith-Stichting?

Pangrèh V. L. S.

Bijz. H. I. S.

MAGELANG.

Pangrèh P.K.W. badé setijar.

12. P.K.W. njoewoena dateng ingkang wadji, soepados namaning pakempalan kadjadjaraken kalijan pakempalan-pakempalan sanèsipoen. Katrangan: Ing Volksalmanak taoen 1930 namanin pakempalan pinten-pinten kaseboetaken, ananging namaning pakempalan Katholiek Djawi satoenggal kémawon boten wonten; makaten oegi ing wara-warani-poen Java-Instituut. (K.W. Klatèn).

Prakawis poenika Pangrèh P.K.W. oegi badé setijar.

Ambarawa 20 Januari 1930.

Pangrèh P.K.W.

N.B. Pangrèh P.K.W. njoewoen kanti oermat dateng K.W.-K.W., soepados sawoeng-sawoeng Pangrèh P.K.W. kaseboet nginggil kagadosna awak-awak.

PANGÈNGET-ÈNGET 5 TAOE-NANIPOEN K. W. AMBARAWA.

Minangka pangènget-èngèt 5 taoenanipoen K. W. Ambarawa, kala dinten Ngahad 5-1-1930 kawontenaken pista wonten ing Warsasoedarmen.

Djam 10½ éndjing para tamoe lan warga sampoen pepak. Para tamoe waoe: Pandjenenganipoen Rama Rector, Rama Parampara, Rama R. Rietra, Rama Frater Djawi kekalih: C. S. Tjipkoesoemo lan R. Josowihardjo, Broeder Overste, Broeder Egerius, Broeder Aloysius, toewin para warganing pakempalan Maria Mediatrix.

Sadaja sami katingal soeka gambira, mratjihnani sajoek roekoening wandawa Katholiek ing Ambarawa.

Minangka pamboekaning pista, Comité ngatoeraken soegeng rawoeh lan atoeer panoewoenipoen dateng sadaja ingkang sami ngombjoni pista waoe, langkoeng-langkoeng atoeer panoewoen dateng para prijantoe poetri, déné sampoen karsa dana raga, ndjagi kabatahaning damel, lan doemateng pandjenengan-

ANGON MANGSA, DI WEROEH ING WAJAH.

Oengel-oengelan ing nginggil poenika tetilaranipoen djempol djaman kina, lan noen inggih taksih kénging kanggé doemoegi sapriki?

Kreta rahardjaning pradjaja margi saking para poera djana sami ajem, tentrem, ngibadah-ngibadah, sepen ing kamoerkan, boten tilar tata, tan loemoeh namboet karja, ingkang oetami, tebih sing tjolika, boten damel oeroe-ara oetawi brontakan lan sapanoengilanipoen poenika, namoeng tansah ngangkah badé mangoen ajoeaning pradjaja.

Saking pérang-péranganing sapradja ladjeng dados koeta, doesoel (kampoeng) doemoegi sabrajat (sagrija) lan atatanggan.

Menggah pranatan (papatjak, angger-angger) ing NAGARI, koeta lan doesoel poenika pamawas koela sami kémawon. Tandanipoen: jèn ing satoenggiling doesoel wonten tjang mandoeng konangan, njata wonten boetamal lan saksinipoen genah, mesti kaekoem. Makaten oegi ing koeta. Lan ing doesoel oegi wonten politie-nipoen, kados ta: glondong (tjara wétanan: patinggi, palang) loerah sababaoenipoen, sami kaboeboehan pijambak-pijambak. Namong ing doesoel poenika poenapa kirang ginatosaken?

Tjeng tatanggan soepados katingal goejob roekoel kedah djagidjini, mad-sinamadan, loeng-tinoeleng, sarta inggih kedah gadah tepa sarira, doegi prajogi, soemerep ing wantji, angèn mangsa.

Liripoen: jèn boten wonten (noedjoe wonten oetawi gadah) damel, poepoetan, slapanan, sapanoenggilanipoen, poenika jèn badé soeka-soeka kedah mawi taker, èngèt dateng wantji. Ingatasipoen namong soeka-soeka limrah kémawon, ngantos 4 kalangan, toer bjar-bjaran ngantos mbribèni tangganipoen, poenika nama boten mèmper, oegi sampoen nama njahak kamardikan-

ing tangga? Poenapa malih jèn tangganipoen gadah anak alit. (tak-sih baji). Gar-ger-gar-gar poenika poenapa boten ambribèni bajining tangga oetawi bajinipoen pijambak? Tjobi karaosna.

Jèn ing kita (nagari) limrahipoen manawi badé gadah damel kanti nanaboeh oetawi mawi oengel-oengelan sanèsipoen, ingkang kaprah mawi lapoer, preloenipoen bok bilih wonten tangga tjaket ingkang pakawèd! Malah saénipoen neda lilahipoen tangganipoen (Poenika langkoeng oetami).

Kadjawi malem Minggoe (malem dinten vrij) tjang kénging soeka-soeka wonten grijanipoen pijambak oetawi ing papan sanès, (oepami ing papan Orceest-club) doemoegi djam sadasa daloe, déné jèn malem Minggoe doemoegi djam 12 daloe? Poenika jèn boten njoeuwen idi ngantos ngebjar: (Koela poen panj. naté manggèn ing nagari sarta koeta ageng).

Mila noen inggih angèl dados tjang gesang babrajan poenika! Dados boten kénging angengkoki doemèh: ana omah-omahé déwé, désa-désakoe déwé, sadoeloerkoe akèh, ija pjaji ija tani lan politie. (jèn gadah ning).

(Katjoendoekna lan Angger-angger koekoem politie artikel 3 ajat 5).

Tjeng soeka-soeka dèrèng mesti tangganipoen toemoet seneng.

Inggih kapoerih ngretos, soemerep ing tata lan soeba sita poenika, boten namong kaom adel, djèntlemen, terpeladjar kémawon, nanging sadaja poera djana.

Jèn satoenggiling tjang noedjoe soeka-soeka, tangganipoen saged toemoet seneng ingkang njawang oetawi ningali inggih saged seneng poenika, njata oenoesaning manoengsa. Saged damel leganing ngasanès poenika pantjèn angèl temenan. Titi.

Ki dalang satoes sèket pintjang.

ipoen M. Warsasoedarma, ingkang sampoen paring papan, adjanging pista.

Pandjenenganipoen Voorzitter K. W. oegi medaraken soegeng rawoeh lan atoeer panoewoen kados ing ngadjeng, kawewahan atoeer panoewoen dateng Comité, ingkang sampoen kersa mbanting toelang, ngoerbanaken saliranipoen.

Kadjawi poenika pandjenenganipoen oegi mratélakaken gènging kabingahanipoen, déné K.W., tangsoeling kadang Katholiek, saged damel andra-winaning pakempalan, asarana ngwontenaken pista waoe. Sadaja toemoenten kaatoeran djoemeneng ngasta gelas: hiep, hiep hoera,

Sesorah, ingkang nglairaken gènging kabingahanipoen, taksih kamambalan ing Voorzitter P.K.W.

Saladjengipoen pista katingal semoea, binaroeng ing tjilempoeng angerangin, adamel resep-mareming manah. Wewah-wewah sareng pandjenenganipoen Rama Parampara lan Rama Rietra kersa ngatingalaken soeka renaning panggali, asarana motrèt para warganing K. W. lan Maria Mediatrix, ngiras kanggé pangèngèt-èngèt. Sasampoenipoen sami dahar, kirang langkoeng djam kalih, toemoenten sami bibaran kanti wilodojeng.

Pangadjeng-adjenging Bestuur K. W., moegi-moegi para kadang Katholiek Ambarawa samia saja mindak-mindak katingal sajoek roekoeng ngokoel ingkang sampoen-sampoen, dados katja benggala kanggé sadèrèk golongan sanès, ingkang soepados Missie ing Ambarawa sangsaja soeboer lan ngrehda.

Bestuur ngambali malih: sanget matoer noewoen doemateng pandjenenganipoen feest-Comité lan M. Warsasoedarma.

Secr.

P. P. Hardjaatmadja.

PAREPATAN K. W. AFDEELING SOERABAJA.

Nalika tanggal kaping 19 Januari 1930 K. W. Soerabaja sampoen damel Parepatan taoenan wonten ing grijanipoen salah satoenggiling sadèrèk ing kampoeng Kalianjar wétan déné ingkang sami rawoeh inggih wonten sadèrèk R.K. 23. Klajan asmanipoen Goesti kita Jésoes Kristoes parepatan kabikak déning pangrèh, sarta ladjeng maos serat ingkang nembé katampi saking rama Administratie Sw. T. ing Ngajodja, sasampoenipoen katerangaken menggah jatra lengganan ingkang sami noenggak ngantos 2 kwartaal, poenika kénging katjijil sesarengan

mbajar kwartaal taoen 1930; temahan para sadèrèk-sadèrèk oegi badé sami kersa bajar, oetawi wonten ingkang badé njoewoen medal, sadaja waoe badé katindakaken pijambak-pijambak. dados K.W. afd. Soerabaja boten kapasrahan oeroesanipoen Adm. Sw. T., déning para lenggananipoen Sw. T. Sapoenika pangrèh oesoel bab I. Voorstel ingkang badé kakintoenaken dateng P. K. W. Déné voorstel pangrèh inggih poenika: sadaja tjang Katholiek (ingkang saged maos oetawi njerat) dados lenggananipoen serat-serat chabar katholiek kadosta: Sw. T.—Soe ara Kath.—Tamtoemo Dèwi Marija Gredja Katholiek—de Koerier lan sanès-sanèsipoen, perloenipoen ngiras teteleboet dateng Missie. Voorstel kaseboet ing nginggil, katolak lantaran kirang perloe oetawi tjang lengganan makaten sapoeroenipoen pijambak-pijambak. Ewasamanten pangrèh panggah dateng voorstel waoe, mandar kakentjengaken, sarana warganing pakempalan Katholiek, kedah maos oetawi dados lengganan Katholieke dagbladen, tijdschriften en lecture. Wasana poetoesanipoen parepatan „verworven” boten katampi. Voorstel dateng P.K.W. „nihil” saking K.W. afd. Soerabaja. Bab II. Prekawis jatra contributie Begravenisfonds sarta K. W. Pangrèh nerangaken, menggah wontenipoen jatra kas begravenisfonds kirang saged madjeng penarikipoen, lantaran katah para warga ingkang katlompèn pembajaranipoen. Ingkang makaten waoe, sapoenika kapeksa saben woelan para warganing begravenisfonds kedah nitjil oetawi katarik contributie. Déné toenggak-toenggakan saking begravenisfonds, tamtoe kaloenasa-kenroemijin, sarta ladjeng mbajar reservefonds pijambak-pijambak. Parepatan moetoes „moefakat”, soepados katindakaken déning bestuur begravenisfonds waoe.

Sapoenika bab contributie K. W. sarèhning inggih sami kémawon rendetipoen kados begravenisfonds, kilap penarikipoen ingkang boten actief, poenapa warganing, jatra contributie kadamel èntèng f 0,10 saben warga, sawoelan. Poetoesanipoen warga sadaja accoord, kawiwitana penarik saking woelan Januari 1930, djer parepatan poenika kanggé poengkasani-poen taheen 1929.—Wasana wonten warga énggal 7 ingkang toemoet dados lid begravenisfonds, déné ingkang sami rawoeh ing parepatan taoenan poenika dados warganing K. W. afd. Soerabaja.

Bab III Pilihan warga pangrèh énggal.

Sasampoenipoen kaoendi mawi

stemrecht, déning warga sadaja, kapilih kadadosaken pangreh énggal inggih poenika:

- I. sadèrèk C. Soekardja, kam-poeng Patemon 20 (Voorzitter)
- II. sadèrèk S. Soedarmodjo, ziekenhuis Dermo (Vice Voorzitter)
- III. sadèrèk F. Soeratijo, Wonoredjo g. 2 No. 12 (Secretaris)
- IV. sadèrèk t. Widijono, Wonoredjo g. 2 No. 12 (Penningmeester)
- V. sadèrèk P. Sarwan, Delimaweg 15 Ngemplak (Commissaris)
- VI. sadèrèk M. Soedjimin, Djagalan g. 7 No. 46 (Commissaris)
- VII. sadèrèk Wahjoedi, kampoeng Patemon 20 (Commissaris).

Pangreh lami matoer kasoeuwen déning para sadèrèk Katholiek ing Soerabaja, déné sampoen saged nindakaken wontenipoen K. W. Soerabaja ngantos doemoegi pilihan warga pangreh énggal kaseboet. Wasana parepatan djam 1 siang katoetoepl klajan basoeeki saha rahajoe, Amin!

Verslaggever.
Sbaia, 20 - 1 - 30. Abonne No. 566

WARA-WARA.

Sarèhning déning parepatan taonan (19-1-30) ingkang kapilih dados pangreh énggal (Dagelijks bestuur) saking K. W. afd. Soerabaja, sadèrèk

- a. C. Soekardjo, Voorzitter manggèn ing Patemon No. 20
- b. F. Soeratijo, Secretaris manggèn ing Wonoredjo gg. 2 no. 12
- c. A. Widijono, Penningmeester manggèn Wonoredjo gg. 2 no. 12

kasoeuwen soepados sadaja oeroesanipoen parepatan oetawi warganing K. W. kadawahaken dateng salah satoenggiling pangreh énggal adrèsipoen, amrih énggal oetawirikat pamboedidajanipoen.

Wasana ngatoeraken priksa, bilih pangreh K. W. lami, sampoen boten gadah hak oeroesan kasebat malih.

Goenging panoeuwen
Pangreh K. W. lami.
Sbaia. 20-1-30.

O E R A P - S A R I

KABAR KATHOIEK.

SAKING NGAJOGJAKARTA.

Pahargjan Alg. Broeder Overste.

(Darbèk Djawi dipoen-gegesang).

Kados ingkang sampoen naté kawatrosaken wonten Sw. T., goeroe-goeroe Djawi ing sakolahan - sakolahan Kidoel Lodji, saèstoe mahargja rawoehipoen Algemeene Broeder Overste. Pahargjan waoe doemawah wonten tanggal 12 Djanowari, wiwit djam 7.30 sonten doemoegi 9.15, manggèn ing speelloods Broederan.

Tamoe ngoelama: padoeka Rec-ror X. College Moentilan, Directeur Kw. S. lan Norm. Sch. Moentilan, Pastoer sawatawis saking Kota Baroe, Pastoer - pastoer ing pastoeran Kidoel Lodji, poenapadéné para Broeder Ngajogjakarta, lan Moentilan sawatawis.

Tamoe bendara: Tédjakoesoeman, Djajadipoeran toewin Ki Hadjar Déwantara. Saking kalangan *pangageng Onderwijs*, padoeka Inspecteur tw. Bosch, Schalken, lan School Opziener. Tamoe pangageng Walandi sanèsipoen: tw. Schmutzer Gandjoeran, Rietveld, Hatink lss. Kadjawi poenika wonten wakil-wakil Melania; W. K., goeroe² Zuster-an, goeroe² H. I. S. Kidoel Lodji, sagarwanipoen; Sw. T. lan Soera Katholiek; sadaja boten kirang saking 120. Kilap kalangoengan kilap kados poendi, goeroe - goeroe Standaard-school sami boten pikantoe oelem² kadjawi kalih; mila ing pahargjan waoe kénging dipoenwastani boten wonten goeroe-goeroe Standaardsch.

Programma: 1. *pamboeka*: Br. Overste Djokja. 2. *Pambagja*, sad. Soegiri ngatoeraken sedyaning pahargjan; ngatoeraken gending bingah déné karawoehan pangageng; ngatoeraken panoeuwen toemrap lalabetanipoen para Broeder wonten laladan Onderwijs lan *Opvoeding* ing Indonésjah. Lan ngatoeraken H. I. S. Kidoel Lodji anggegesang kagoenan Djawi. 3. *Gending „Lebda Djiwa“* sekar kasarengan gangsa. Ingkang nembang langan swara moerid H. I. S. Kidoel Lodji ngewrat soeraos bab Kasagahan Dalem Goesti Jésoes; boten ngoetjiwani! 4. *Perang tandangipoen* Abimanjoe kalijan boeta Gendringtjaloring. Ingkang ndjogèd laré alit (oemoer 10 taonan) moerid H. I. S. Kidoel Lodji. Sakalih-kalihipoen nama bregas, langkoeng - langkoeng déné taksih laré alit, toer sinaenipoen namoeng kalih woelan. Boten perloe katjarijosaken, prakawis poenika mesti kémawon dados mantepipoen ingkang gadah anak, dados bingahipoen sakolahan H. I. S. Kidoel Lodji, dados maremipoen ingkang paring piwoelang ndjogèd; dados leganipoen ingkang ningali. Soemerep kawontenan „laré alit ndjogèd boten ngoetjiwani wonten ngadjengipoen tijang katah“, boten maiben déné ladjeng dados pépénginanipoen laré sanès; ngantos wonten ingkang kawedal panemboengipoen dateng bapa soepados inggih dipoenwoelang makaten!

(Salebetipoen „prang tanding“ waoe kalih prakawis ingkang koela gagas a. Katah tijang mastani laré H. I. S. kasoepon oetawi ngemohi kagoenan Djawi, kirang tata-krama, lss. Nanging nitik ingkang kelampah ing daloe waoe, tétéla manawi kapresoei (déning goeroe - goeroe lan tijang sepoeh) tjtadjad makaten waoe mesti saged itjal. b. Koela kengetan djaman roemijin katah sanget tijang sepoeh njowitwakaken anakipoen dateng prijantoe; ing

pangangkah sageda mangretos kagoenan Djawi, koelina kalijan panindaking oenggah - oenggoeh tata trapsila. Poenapa wontening kadadosan ing daloe waoe, badé saged ngébahaken manahipoen tetijang sepoeh mresoei anakipoen dateng darbèk Djawi??

Preloe katjarijosaken, nalika „prang tanding“ waoe, ing pager-témbok sisih Lèr, katingal wonten sinjo, nonik, djongos lss. sami andjrabing ningali. Koela kinten sami mènèk anda. Jèn karaos, kalaras kalijan djagad koewajangan, angèmeri Semar, Garèng Pétroek, ningali peranging bandaripoen!

5. *Kyrie*, gending Goerisa (gangs); 6. *Sanctus* gending „Djoeroe-Djoeroe (gangs). Wonten ing programma 5 lan 6 (langan swara H. I. S.) poenika koela namoeng saged matoer: sadaja kénging kawastanan sami megeng napas, déning kataman aroeming swanten, saéning lagoe, wilending gending! Éwadéné manawi kangagèd wonten Grédja koela boten saged ngatoeraken tjalon kale-resan poenapa boten. Koela namoeng saged njaois antjer - antjer manawi *gamelan sarantjak* kalebetaken ing Grédja, poenika tangèh sagedipoen minangkani loehoer moeloeking gagasan! Mila kedah dipoenpilih ingkang boten kasangenet adamel ébahing sarandoening badan! Kadjawi poenika temboengganipoen prajogi kasantoenan tjara Djawi. Awit manawi boten makaten, tetijang mesti namoeng kéloet déning swaraning gangsa, gagasanipoen kesilep déning gending, boten manah dateng panembah! Éwadéné, prakawis poenika koela soemanggakaken para moempoeni gending Djawi. Satoenggiling ahli gending anggadahi pamanggih: lagoe soeloek, poenika matoek kaanggé lelagon ing salebetipoen gezongen Mis.

Preloe kapratélakaken, programma no. 3, 5, lan 6, poenika dipoenasta pandjenenganipoen Br. Clementinus. Dados ing ngriki pandjenengan pirsia prijantoe Walandi mangretos gending Djawi! Kita tijang Djawi soemerep kawontenan makaten poenika sampoen mesti ageng ing manah.

7. *Dolanan*, „Paman doblang“, nje-nengaken; adamel goemoedjeng (Dolanan mawi lagoe gadahanipoen tijang Djawi, pantjen wonten ingkang ngébahaken sarandoening badan! Toemrap para goeroe sakolahan andap kados inggih preloe ngopèni prakawis poenika!

8. *Djatilan* (moerid Standaard-school) gambira ngantos wonten sawenèhing tamoe ingkang katingal gregetipoen toemoet ébah! Pentoel, Tembem, lan . . . , kénging kapamèraken!

Sanadyan pandjenenganipoen Alg. Broeder Overste boten medar pangandika, éwadéné koela tanggel béndjing sakondoripoen mesti tansah kengetan poenapa ingkang kalampah ing daloe waoe. Langkoeng - langkoeng dateng Abimanjoe kalijan Gendringtjaloring, Pentoel, Tembem sakantjanipoen!

Katholicken Betawi goemarégh!

Saking Betawi Red. tampi serat makaten: „Ing organipoen para oud. H. I. S. sers wonten oesoel-oesoelipoen sadèrèk Raf. Tahrin, angadjak soepados sadèrèk Betawi

poeroen kempal kalijan ada-adaning sadèrèk Bandoeng.

Ing riki roemaos koela, oegi sampoen katah prijantoeipoen Katholiek boten kirang 35; Namoe ingkang sampoen sepoeh, tegesipoen ingkang sampoen lami dedalem wonten ngriki kok kénging koela wastani ngliwaken wadji, doemèh pangkatipoen sampoen djempol tjara mrikinipoen, kok ladjeng kasoepon kalijan Goestini-poen!

Pramila ngantos ing wekdal poenika ing mriki dèrèng wonten pakempalan Kath. Djawi, awit para moeda, (kakoeng, poetri) sewaoenipoen nengga para sepoeh.

Ing rehning makaten, samangké para moeda boten nengga para sepoeh waoe malih, awit „toenggoe poenja toenggoe ta' berhatsil“ dados sami oemjeg anggènipoen sami ngrembag bab ing nginggil soepados énggal lahir, inggih saking sakedik lan sadadosipoen.*)

Moegi-moegi sageda kalampahan ingkang dipoenangkah para sadèrèk waoe, lan mangga sadèrèk mangké rak tansaja roemaket gesang kita ing mantja nagari, déné sadèrèk ingkang dèrèng mireng ada-ada waoe koela atoei, bilih dangan ing panggalih moendoet priksa dateng para sadèrèk ing ngandap poenika.

1. Sadèrèk: G. M. Soetijem mantri-goeroe Melaniaschool. Tamansari (Welt).

2. Sadèrèk: P. M. Soediro mantri b/h. Kadaster.

3. Sadèrèk: Marc J. Soedarjono mantri-Verpleger C. B. Z.

4. Sadèrèk: E. J. Wadjib. p/a. Pastorie Mèntèng.

KABAR OEMOEM INDONESIA.

W. K. Ngajogjakarta.

Parepatan tanggal 16-1-30 manggèn ing dalemipoen sadèrèk lssak. Ingkang rawoeh kalih dasanan.

Dinten waoe W. K. Ngajogja kasoeemoekan dajaning konggrès, wiwit nganggé basa Mlajoe.

Sasampoenipoen notulen kawaos, sad. Rara Salmiati angantjaraken kawontenan manahipoen pinilih dados oetoesan, poenapa-déné ambombong para warganing W. K. soepados sami sengkoet tandangipoen. Rara Poedjiati nggantjaraken jangsalsaking konggrès: tjekak, talesih!

Poetoesan-poetoesan 1e. Rara Salmiati kapilih dados wakil W. K. wonten P. P. I. I. ing Ngajogjakarta. 2. W. K. béndjing 9 Februari badé ngadani gecombineerde bestuursvergadering ngoelemi pakempalan-pakempalan wanita Katholiek ing sanès panggènan, sarana sesorah - sesorah l. s. s. Anggènipoen makaten waoe ing pangangkah sageda damel adjenging pakempalan-pakempalan Wanita Katholiek, poenadadéné soepados pakempalan-pakempalan waoe wontena sasambetanipoen. (Dados kénging koela wastani sagedipoen wonten Poesara Wanita Kath.). 3. Béndjing lustrumfeest P. P. K. D. W. K. badé sadé sekar, papadjenganipoen kanggé oeroen-oeroen kekiranngan teda ing Manggarai poenapadéné kanggé preloe sanès.

Pakabaran: Wonten ing tentoontelling Bandoeng, W. K. Ngajogjakarta pikantoe eere diploma saking pakempalan Mardi Beksa Irama ingkang ngadani tentoontelling waoe, margi anggènipoen ngintoenaken seratan awoedjoed kampoeh semèn rama. (p.f.).

Koersoes Kleinhandel.

Para maos sami pirsia wiwit woelan Mei 1929, ing Weltevreden wonten schriftelijke cursus kleinhandel, dipoenpandégani tw. H. Entringer. Mondelingipoen koersoes waoe dawah béndjing 3 Februari dangoenipoen sawoelan, manggèn ing Betawi.

Ingkang katarimah dados moerid 26, i.p. Moestafa goeroe 2e. Inl. sch. no. 2, Pematangsiantar; Maradjah goeroe 2e. Inl. sch. no. 1 Pematangsiantar; Aminoerradjih goeroe 2e. Inl. sch. no. 1 Medan; Habib gelar Soetan Maharadjja, goeroe 2e. Inl. sch. Manindjau; Jasid gelar Soetan Tjanijago wd. Ond. Inl. sch. Padang; Zakaria gelar Soetan Sinaro goeroe 2e. Inl. sch. no. 3 Fort de Kock; Djaloeddia wd. ond. 2e. Inl. sch. no. 8 Palembang; Mokibat gelar Radja Tjindar Boemi goeroe 2e. Inl. sch. no. 1 Teloekebetoeng; Mawi wd. ond. 2e. Inl. sch. no. 1 Kroe; Samsoe Soetawidjaja goeroe 2e. Inl. sch. no. 4, Buitenzorg; R. Maskoenkoesoemahardja 2e. Inl. sch. no. 12 Bandoeng; M. Soekarna Gandawarsita 2e. Inl. sch. no. 1 Cheribon; Sakir 2e. Inl. sch. Tjikatoma (Taksimalaja). Radèn W. Soegita Handadjasapoetra 2e. Inl. sch. Djinom (Klatèn); Karaba Prawirahardja 2e.

* Red. boten terang poenapa karsanipoen kadang Kth. ing Bet. poenika ngadani pakempalan poenapa: poenapa K.W. poenapa P. P. K. D. oet. sanèsipoen Red.

ONTJÈN SEKAR GAMBIR MELATI.

NGAJOMI KASOESILAN.

(Actie ingkang pantes binijantoe).

Aroem daloe, inggih ko-poe malem, alijas wanita palanjahan, poenika ing nagari poendi kémawon, wonten!

Sampoen kasaksèn ing para saged, karojalan satoenggall poenika sanget adamel risaking gesang sasarengan. Mandar kasangsaranipoen ngélépèti anak bodjo ingkang boten dosa!

Lan, sampoen kaseksèn ing sarak-ing Agami pinten-pinten, rojal èstri poenika ageng sanget siksaniipoen! Kedjawi siksani wonten ngrikanipoen, wonten ngriki sampoen pikantoe doedoekaning Pangèran!

Mila, kedah dipoentandangi saèstoe sagedipoen boten keladjeng-ladjeng!

Wonten konggrès P.P.I. (ingkang sapoenika santon P(erikatan) P(erkoempoelan) I(steri) I(ndonesia) kala 30/31 Dec. '29, Mev. Goenawan sesorah „Arah madjoe sedikit kemoe-ka“, soeraosipoen, anggepok prakawis rojal èstri poenika.....

Mev. Goenawan anggadahi pamanggih: „para kakoeng poenika panganggepiipoen dateng tijang èstri ingkang katah-katah namoeng kados barang ingkang saged adamel lega lan marem. Margi makaten waoe ngantos katah sanget wanita moersal. Pamedar sabda mratélakaken bilih oendang-oendangipoen Nagari toemrap tijang nglampahi djina sasamipipoen, poenika boten adil. Djer kamanah namoeng ngéngingi para wanita. Kadjawi makaten, tetijang èstri ingkang sami moerang sarak poenika namoeng kabekta saking mlaratipoen. Mila, ngoesoelaken soepados ing Betawi dipoenwonteni grija kanggé ngopèni tetijang èstri ingkang sami makaten waoe. Sarta wonten ngriko soepados ginoela-wentah ingkang saé.“

Ing ngriki ingkang dados pamanaan koela namoeng sedyanipoen Mev. Goenawan ngopèni tetijang èstri moerang sarak.

Djanganipoen Mev. Goenawan poenika, pantji loehoer saèstoe! Pantes sanget dipoentilingaken! Pantes sanget dipoenbijantoe sagedipoen kasembadan! Lan, jèn pantjen badé dipoensembadakaken temenan, koela tanggel mesti badé angsal pambijantoe saking tijang katah, lan inggih saking golongan Katholiek.

Para maos!

Boten namoeng sapisan poenika kémawon, Patjar Mérah ngatoeraken rembag „ngajomi kasoesilan“ Mandar koela inggih sampoen naté ngatoeraken wet-wet-ipoen Nagari ingkang sedyanipoen ngajomi kasoesilaning kawoela. Nanging,.....kita inggih mangertos wet-wet waoe kénging kawastanan namoeng wonten seratan! Anggènipoen nindakaken boten kentjeng (kados panariking paos!) Margi Poenapa?? Petèk koela, bakoenipoen margi para prijantoe ing Wet pijambak sami seneng!

Oemoemipoen tetijang sami mastani Paréntah ing ngriki poenika

„Christelijke Regeering“! Mila anggoemoenaken sanget, déné boten patos manggalih prakawis poenika!

Rembag „bestrijding der onzedelijkheid“ poenika wonten Nederland inggih dados rembag!

Wonten Tweede Kamer kala woelan November 1929, pandjenenganipoen Mgr. Nolens ngandikakaken kawadjabaning Paréntah wonten laladan kasoesilan. Malah laras-larasipoen, neda éwah-éwhaning wet ingkang toemindak ing sapoenika.

Minister Binnenlandsche Zaken pandjenenganipoen toewan Ruys de Beerenbrouck, nalika mangsoeli sesorah - sesorahipoen warga Kamer, inggih ngandikakaken: Paréntah Nederland pantjen angakeni bilih merangi sadaja kawontenan ingkang nradjang kasoesilan poenika loehoer sanget. Mila Nagari inggih badé paring pitoeloengan ing sasaged - sagedipoen! Nanging, saking pamanggihipoen Minister Ruys de Beerenbrouck pangretos bab kasoesilan (zedelijkheidscesef) ingkang pengkoeh, poenika bakoenipoen kedah toewoeh saking kawoela pijambak. Pandjenenganipoen angandika. „Moegi tanah kita, ingkang ngèsti pinaréntah tjara Kristen, saged noewoehaken *pijambak* wet loehoer toemrap kasoesilan.“

Pantjen! Itjaling rojal èstri poenika mila inggih kedah toewoeh saking tijangipoen pijambak. Pamboedidaja merangi onzedelijkheid kedah toewoeh saking pakempalan-pakempalaning kawoela! Nanging,..... ichtijar kita boten badé kasembadan manawi tanpa pitoeloenganipoen prijantoeing Nagari! Pandjerit kita, badé tanpa toewas manawi tanpa pambantoeipoen golongan letter W met de Kroon! Manawi Nagari boten kapareng nindakaken poenapa leresipoen, ngentjengi toemindaking pranatan matrapi paekoeman dateng tetijang (toko) ingkang ngedalaken boekoe lékoh - lékoh, gambar saroe-saroe enz.....tandangipoen para amerangi rojal èstri inggih sasat tanpa damel. Mila, moegi rembag „bestrijding der onzedelijkheid“ wonten Nederland waoe, saged andajani Paréntah Indonesjah angentjengi toemindaking pranatan kasoesilan.

Semanten oegi dateng kantja serat kabar, koela ngadjeng-adjeng moegi sami anandangi prakawis poenika ingkang saèstoe sarana boten poeroen ngewrat advertentie saroe-saroe lss. Taksih katah waosan saé - saé ingkang migoenani dateng kawoela!

Golongan Agami poenapa kémawon, koela soewoen samia toemandang sesarengan ngitjali kawontenan ingkang nglorotaken daradjudaning Indonesjah poenika. Langkoenglangkoeng golongan Katholiek, moegi sami toemandang sengkoet!

Kumuningsasél 18-1-30.

Taklim:
PATJAR MÉRAH.

CORRESPONDENTIE.

P. C. Waar: pandjenengan sinten? Lengganan ingkang namoeng gantos adrès ing salebetipoen liberoan poenika (woelan sija), koela atoei maringi priksa dateng poskantoor ngriko kémawon, soepados ladjeng kaéwahan.

Abonné nomen 246, 257 lan 272, manawi pandjenengan minggoe ngadjeng boten tami Swara-Tama, pandjenengan sampoen margertos pijambak.

weezenfonds ingkang sami plek kalijan gadahanipoen bangsa Walandi.

Karsanipoen Nagari bokmanawi kanggé wiwitan badé ngwontenaken weduwen lan weezenfonds kanggé poenggawa bangsa Indonesjah ingkang blandjanipoen f50 minggah. Bokmanawi kémawon prakawis poenika wonten parepatan Raad Kawoela taoen poenika sampoen karembag.

Djampi sasakit pès.

Het Noorden: njarijosaken ing Margasari dalasan oegi ing Boemidjawa naté katradjang sasakit pest. Nanging sasakit waoe boten keladjeng-ladjeng. Ingkang makaten waoe margi igoeh pratikeliipoen Wadana Boemidjawa. Manawi ing salebeting grija wonten tijang sakit pès, tijang sanèsipoen ladjeng kadawoehan ngombé *arak obat* sagelas alit kamomoran *ragis*akedik. Manawi sampoen ngombé djampi poenika, tijang waoe ladjeng boten saged kataman sakit pès.

Saroedjoek kalijan dokter ing ngriko, tetijang ing bawahipoen sami kadawoehan djadjampi makaten poenika, ngantos sapoenika kénging dipoenwastani ing bawah kawadanan waoe boten wonten sesakit pès.

Panjoeuwenipoen Het Noorden Nagari soepados ladjeng matitisaken djampi waoe pantjen moestadjab poenapa boten. Manawi moestadjab, soepados ladjeng kaoemoemaken,

M. v. BIENE.

Toekang herlodji
dan Toekang emas.

Adres jang
moerah

DJOKJA BANDOENG
Telf. 252 Telf. 226

boeat LONTJENG, HER-
LODJI dan PERKAKAS
EMAS.

Pembatja
SWARA TAMA,

dengan bawa lembaran
Swara Tama
dapat POTONGAN.

PAKOLÈH TOER LOEWESAN
SAË TOEWIN AWËT
INGGIH NAMOENG
MERK GAZELLE
INGKANG AWOEDJOED
ALCYON }
DUNLOP } RIJWIELEN
R. I. W.

Nitjil kènging! - Kentjèng soekoer!

GAZELLE HUIS - ROEMAH GIDANG
MALIOBORO - DJOKJA - TELF. 508.

ALMANAK MELAJOE 1930

soedah habis didjoel

Dalam koerang lebih tiga boelan sadja
soedah bisa lebih dari

40.000

(beloem terhitoe 40.000 Volksalmanak
Djawa dan Soenda)

akan tetapi djangan takoet

sebab mengingat keperloean toean-toean jang
beloem memesan, **BALAI POESTAKA** soedah
moelai tjétak tambahannya Volksalmanak Melajoe

8000 lagi!

SIAPA SOEKA BOLÈH BELI,
SIAPA SOEDAH TENTOELAH POEDJI!

Toko DJOEN & Co., Djocja.

PATJINAN MOEKA TOKO FUJI - TELF: No. 374.

Adres jang paling moerah dan paling baik
boewat pembikinannya.

ROTIE-ROTIE, KOEWEE-KOEWEE dan
BESCHUIT-BESCHUIT KERING.

SROETOE-SROETOE dan ROKOK-
ROKOK, jang haloes dan kasar.

Djoega slamanja djangan loepa minoem kita
poenja KOFFIE BOEBOOK, jang speciaal die
giling dengan machine Electrics, bisa giling aloes
dan kasar, menoeroet pembelie poenja perminta'an
die tanggoeng sampee menjenengken, harga per
pond f 0.90.

Bolih dateng saksiken!

Memoedjiken dengan hormat
Toko DJOEN & Co.

KALAU BELI OBAT - OBAT

DJOKJA

DJOKJA

mémang tiada maoe pakai per-
tjoema, melainkan boeat djaga
keséhatan. Tetapi kalau tiada te-
rima obat jang selamanja baroe
dan paling baik, lebih pintar
Djangan beli sama sekali.

Obat-obat keloearan roemah² obat

MALIOBORO "RATHKAMP" MALIOBORO

soedah terkenal berapa banjak
poeloehan tahoen dan bisa dapat
beli dimana-mana tempat. Kalau
dapat beli tjap

DJOKJA "RATHKAMP" DJOKJA

tanggoeng beli jang paling baik.
Djaga tjap "RATHKAMP"
dan "ERCEE"

DJANGAN TERIMA BARANG JANG BARANGKALI KOERANG BAIK.

TOKO BARANG-BARANG H. SPIEGEL — Djokja.

ADRES JANG PALING BAIK, boeat:

Eetserviezen — Theeserviezen: f 5,75.
Perkakas dari gelas, dan perkakas dapoer;
Kereta dan korsi boeat anak-anak;
Tempat tidoer, lampoe gasoline, dan
— permainan boeat anak-anak ketjil. —

**Semoea barang paling djempol, dan
moerah sekali!**

TJÈT GILAP wedalan FRIELING model A.

kanggé ndjawi lan nglebet, namoeng kantoen ngagem.

kawadahan ing blèg, netto 10 5 2½ 1 ½ kilo;
sablèg regi 10,50 5,50 3,- 1,30 0,75;

TJÈT GILAP model B. kanggé ndjawi lan nglebet
namoeng kantoen ngagem; sablèg netto 10 kilo: f 8,50;
5 kilo: f 4,50.

PABRIK TJET R.B. FRIELING,
Gondhomanan 80 — DJOKJA — Telefoon no. 784.

**Mangga
sami
ngabarna
ing
SWARA TAMA!**

SAWEG MENTAS AMBABAR.

Boekoe: **PANGANGEN-ANGEN KANG-**
GÉ SABEN DINTEN.

Soegeng saha piwoelang Dalem Kang-
djeng Goesti Jésoes Kristoes.

Djilidan I 500 katja

namoeng regi f 1,25 fr. i. p. f 1,45.

Kénging toembas dateng:

- Pastoeran Kotabaroe Ngajogjakarta.
- Kantor Swara-Tama.
- Drukkerij Canisius.

Engetipoen Het Noorden, Nagari tjalon
paring gandjaran f 10.000 dateng
tjatang ingkang saged manggih djampi
pést.

Tijang doesoen gadah tékad.

Tijang nama Madjasin ing doeso-
soen Nengkelan, ond. distr. Pat-
tjet, distrik Tjiparaj, kaljan kantja-
nipoen sawatawis, kala wiwitanipoen
woelan Maart 1926, ngajati damel
ilèn-ilèn kanggé ngilèkaken tojani-
poen lèpèn Tjirawa dateng sabin.
Sasampoenipoen njrempeng njam-
boet damel ing salebetipoen 22 woe-
lan, ilèn-ilèn waoe sapoenika saged
dados. Pandjangipoen 9 k.m., saged
njoroti sabin 100 baow ingkang wa-
oenipoen boten saged ngadalaken
kasil déning kekiranngan toja. Sabin
100 baow poenika waoe, ingkang 25
baow gadahanipoen Madjasin pijam-
bak. Ragadipoen telas f 4000, ing-
kang f 3000 Madjasin pijambak ing-
kang tjoejtjoel.

Prakawi smakaten poenika loehoer
sanget, saéstoe migoenani dateng ta-
nah lan bangsa. Langkoeng migoenani
tinimbang ngwontenaken parepatan
ingkang tjarijosipoen ngrembag pra-
kawis wigatos kanggé preloenipoen
bangsa Indonésijah. Makaten tjarijos-
ipoen *Algemeene Indische Dagblad*.

SAKING SOEKARENA.

M. K. R. martosaken:

Kawontenaning pasitèn mindak
saé, rawa-rawa malih sabin, margi-
margi lan loeroeng-loeroeng ing-
kang awon mindak saé, kretég-kre-
teg sampoen wiwit dipoen-garap.
Katahing malaria soeda. Nanging
ngadjengaken rendeng poenika mek-
sa wonten ambah-ambahan, tjatang
sadoesoen Soekarena ingkang tilar
watawis tjatang 30. Nanging djalarani-
poen sami sakit poenapa, boten sa-
ged mastani terang, awit boten won-
ten pepriksan dokter. Bokmanawi

gantosing hawa, oetawi saking ka-
sèping djawah.

Kasarasan. Katahing tjatang njoe-
woen djampi datang Pastoeran Soe-
karena wiwit tanggal 15 Januari 1929
doemoegi 31 Desember 1929 kaé-
tang ambal kaping 1110. Tjatjah
samanten waoe taksih wonten ing-
kang klangkoengan sawatawis.

N. S. *Djember* kala roemijin nge-
moengaken kanggé tjalon goeroe
Madoera, taoen sangalikoer poenika
oegi kanggé Bali, moerid saking Ba-
li 29 sampoen adjal 1 kantoen 28.
Voertaal Madoera lan Bali. Kadjawi
basa Mladjeng oegi kawoelang ba-
sa Walandi. Moerid sadaja 122.

Studieopdracht.

Prijantoen tiga ingkang kaseboet
ing ngadap poenika kadawoehan
Nagari Nederland, ndjembaraken
seserepan.

R. A. A. *Soejana*, tilas Boepati
Paseroewan sapoenika warga ge-
delegeerden Raad Kawoela. R. A. A.
Tjakarningrat Boepati Bangkalan.
Prijantoen kekalih poenika kakar-
sakaken matitisaken prakawis eco-
nomie, tatanèn, cooperatie, lss. Déné
satoenggalipoen R. I. F. *Wenas*
Hoofd Djaksa Menado kadawoehan
matitisaken prakawis methode mo-
dern babagan recherchedienst lan
tjara pangoroesian doerdjana, tjek-
kak ingkang babagan kapoelisèn.

Ongkos waragading lampah, Na-
gari ingkang njanggi. Béndjing ma-
nawi sampoen wangsoel, kawadjaban
ngatoeraken palapoeran sarana ka-
serat dateng Paréntah.

Ningkah lan pegatan ing Bandoeng.

Ing salebetipoen wolan Dec. ka-
pengker poenika, ing distrikBandeng
tjatjahipoen tjatang idjab wonten 322,
pegatan 388, roedjoe malih 40.

Wolan November 1929, idjab
403, pegatan 391, roedjoe 30. Ing
salebetipoen kwartaal IV ing taoen
1929, tjatjahing tjatang idjab wonten
1099, pegatan 1149, wangsoelan 97.

Taoening sakolah.

Njambeti ingkang sampoen naté
kawartosaken. Ing Sw. T. bab badé
wontening taoen sakolah énggal toe-
mrup sakolah Norm. sch., Amb. Sch.
lss., sadèrèk P. ing Mliir Ambara-
wa martosaken:

Mitoeroet dawoeh saking kantor
Inspectie pamoelangan Djawi ing
Ngajogjakarta 3-1-'30 No. 87/20.
Toemapaking taoening pamoelangan:
Normaal, Cursus goeroe doesoen,
angka II, makaten oegi pamoelangan
doesoen wonten ing tanggal 1 Juli.
Dados nginggahaken moerid saha
njoekani tanda tamat pasinaon oegi
wonten tanggal 1 Juli. Examen ngle-
beti Normaalschool toewin Cursus
goeroe doesoen ingkang badé kalam-
pampahan poenika béndjing wolan
Juni 1930.

SAKING SOERAKARTA.

Abonn. no. 565 martosaken:
Njarengi taoen énggal wonten ka-
indakan sawatawis, inggih poenika
sawoeng K—E ing Solo 4, sad.
R. Parmaka, Sadija, Alf. Marwata,
Mardji sami nampi diplomanipoen.

Iksamen Koersoes goeroe doesoen.

Nalika Desember 1929, para sis-
wa cursus goeroe doesoen, ing
Moentilan kalijan Medari sami di-
poendadar kesagedanipoen wonten
ing College Moentilan. Tjatjahing
moerid wonten 17, Moentilan 10,
Medari ingkang 7. Sadaja waoe sa-
ged katampèn iksamenipoen.

Pambijantoenipoen paréntah Djepang.

Asaka Jiji njarijosaken bilih pa-
réntah Djepang ing Formosa damel

poetoesan ambijantoe pakarjan-pa-
karjan Djepang ing Indonésijah.
Pambijantoe waoe awoedjoed ngrén-
tjangi ambajar 7% ning anakan
samboetanipoen dateng Kwanan
Bank. Bank poenika waoe tjalon
njamboeti arta dateng pakarjan-pa-
karjan Djepang ing ngriki mawi
anakan 12%. Dados tegesipoen
pakarjan-pakarjan Djepang waoe
namoeng nganaki 5%. Pakarjan-
pakarjan Djepang ing Indonésijah
ngriki dipoensadijani arta samboetan
2 mlijoen yen. Bironipoen Nagari
Djepang kanggé prakawis sabrang
oegi ngrembag. Directeur-ipoen biro
poenika waoe, toewan Kudara ngla-
hiraken pangadjeng - adjengipoen
soepados pambijantoe arta poenika
waoe saged ngadjengaken pakarjan-
ipoen bangsa Djepang ing Indoné-
sijah. (*Bintang Mataram*).

Bèbèk Indonésijah.

Salebetipoen wolan Djoeli 1930
ing London badé wonten tentoon-
stelling kéwan iberan. Indonésijah
badé ngintoenaken bèbèk. Ingkang
kintoen toewan H. Broekhuis ing
Bogor.

Ing Hardewijk (Nederland) wonten
panggaotan ngingoe bèbèk. Ingkang
kanggé bibit inggih bèbèk Indoné-
sijah.

Bèbèk wedalan ngriki pantjèn
misoewoer wredèn. (*Sin Po*).

Kekirangan teda.

Margi kekirangan Djawah, ing
Goenoeng Kidoel (Ngajogja), sam-
poen sawatawis dangoe, kambah
patjeklik. Saking sangetipoen ma-
noet *Bintang Mataram* tetjatang ngri-
koe ngantos sami neda ron nangka.
Tetjatang ingkang tjaket kalijan ngaré
sami neda woh sata boetjatan saking
pabrik sata. Woh sata poenika waoe
dipoendeplok ladjeng dipoenratengi.
Ing Imagiri, manoe *Sedya Tama*

inggih kekirangan teda. Tandon-
ipoen teda sami telas. Wonten
doesoen djiwanipoen 400 namoeng
gaduh pantoen 50 datjin, wos 1½
datjin, glepoeng gaplèk 35 datjin,
djagoeng babar pisan boten wonten.
Mangka teda bakoe gaplèk kalijan
djagoeng.

Katjarjosaken oegi tetjatang pare-
dèn sami toemoeroen dateng ngaré
ambekta gagadahanipoen awarni
lemantoen, médja lss., kalintokaken
teda. Ing pagantosan isinipoen ba-
rang remèh² kados déné patjoel,
wadoeng, arit, pétjok, gradji, lss.

Kabesmén ageng ing Dèli.

Kampoeng Tandjoeng Pasirkuala
salebetipoen minggoe kapengker
telas kabesmi, kadjawi namoeng
grija padjagèn poelisi (posthuis),
kantor tilpoen, lan sanèsipoen sa-
watawis. Grija ingkang kabesmi
tjatjah woewoeng boten kirang sa-
king 80. Kapitoenènipoen kirang-
langkoeng f 138.000. Tijang boten
wonten ingkang pedjah.

Poedjangga Ranggawarsita.

Wonten ing gedong R. K. Univer-
siteit Nijmegen, prof. C. C. Berg
(kala 29 Nov.) adamel sosorah bab
kaboedajan Djawi. Para saged katah
ingkang nenggan.

Saking pamanggihipoen pamedar
sabda, Ranggawarsita poenika pan-
tjèn inggih ahli sekar. Nanging poe-
napa ingkang katjarjosaken, poenika
manawi kawawas tjara kawroeh,
boten kénging kaendel djer ing rikoe
namoeng ngawoer kémawon.

(Éwadéné toemrap ingkang da-
mang dateng boekoe-boekoe Rang-
gawarsitan, amastani katah sanget
anggitan Ranggawarsitan ingkang
isi piwoelang saé, mandar kénging
kawastanan langkoeng soesila ti-
nimbang boekoe-boekoenipoeh ahli
sekar bangsa Djawi sanèsipoen.
Red.).